



Neviim (prophètes) - Amos

Chapter 1

- 1,1 דַּבְרֵי עֲמוּס, אֲשֶׁר-הָיָה בְנִקְדִים מִתְקוּעַ; אֲשֶׁר תָּהָה עַל-יִשְׂרָאֵל בְּיָמֵי עֲזִיָּה מֶלֶךְ-יְהוּדָה, וּבְיָמֵי יִרְבֵּעַם בֶּן-יֹאָשׁ מֶלֶךְ יִשְׂרָאֵל--שְׁנַתִּים, לִפְנֵי הַרְעֵשׁ.
- 1,2 וַיֹּאמֶר--יְהוָה מִצִּיּוֹן יִשְׂאָג, וּמִירוּשָׁלַם יִתֵּן קוֹלוֹ; וְאָבְלוּ בָאוֹת הַרְעִים, וַיִּבֶשׂ רֹאשׁ הַכְּרָמֶל. {פ}
- 1,3 כֹּה, אָמַר יְהוָה, עַל-שְׁלֹשָׁה פְּשָׁעֵי דְמִשְׁקָה, וְעַל-אַרְבָּעָה לֹא אֲשִׁיבֶנּוּ: עַל-דֹּשְׁשׁ בְּחֻצוֹת הַבְּרִזָּל, אֶת-הַגִּלְעָד.
- 1,4 וּשְׁלַחְתִּי אֵשׁ, בְּבַיִת תְּזָאֵל; וְאָכְלָהּ, אֲרַמְנוֹת בֶּן-הַדָּד.
- 1,5 וּשְׁבַרְתִּי, בְּרִים דְמִשְׁקָה, וְהִכְרַתִּי יוֹשֵׁב מִבְּקַעַת-אֲזָן, וְתוֹמֵךְ שֹׁבֵט מִבַּיִת עֵדֶן; וְגִלּוֹ עִם-אֲכָם קִינָה, אָמַר יְהוָה. {פ}
- 1,6 כֹּה, אָמַר יְהוָה, עַל-שְׁלֹשָׁה פְּשָׁעֵי עֲזָה, וְעַל-אַרְבָּעָה לֹא אֲשִׁיבֶנּוּ: עַל-הַגְּלוּתָם גְּלוֹת שְׁלֵמָה, לְהַסְגִיר לְאָדוֹם.
- 1,7 וּשְׁלַחְתִּי אֵשׁ, בְּחוֹמַת עֲזָה; וְאָכְלָהּ, אֲרַמְנוֹתֶיהָ.
- 1,8 וְהִכְרַתִּי יוֹשֵׁב מֵאֲשְׁדוֹד, וְתוֹמֵךְ שֹׁבֵט מֵאֲשַׁקְלוֹן; וְהִשְׁבִּיבְתִי יָדַי עַל-עַקְרוֹן, וְאָבְדוּ שְׂאֵרֵיט פְּלִשְׁתִּים--אָמַר, אֲדֹנָי יְהוִה. {פ}
- 1,9 כֹּה, אָמַר יְהוָה, עַל-שְׁלֹשָׁה פְּשָׁעֵי-צָר, וְעַל-אַרְבָּעָה לֹא אֲשִׁיבֶנּוּ: עַל-הַסְּגִיכֵם גְּלוֹת שְׁלֵמָה, לְאָדוֹם, וְלֹא זָכְרוּ, בְּרִית אַחִים.
- 1,10 וּשְׁלַחְתִּי אֵשׁ, בְּחוֹמַת צָר; וְאָכְלָהּ, אֲרַמְנוֹתֶיהָ. {פ}
- 1,11 כֹּה, אָמַר יְהוָה, עַל-שְׁלֹשָׁה פְּשָׁעֵי אָדוֹם, וְעַל-אַרְבָּעָה לֹא אֲשִׁיבֶנּוּ: עַל-כַּדְּפוֹ בְּחֶרֶב אַחִיו, וְשַׁחַת רַחֲמָיו, וַיִּטְרֹף לְעַד אֲפוֹ, וְעַבְרַתוֹ שְׂמֵרָה נְצַח.
- 1,12 וּשְׁלַחְתִּי אֵשׁ, בְּתִימָן; וְאָכְלָהּ, אֲרַמְנוֹת בְּצָרָה. {פ}
- 1,13 כֹּה, אָמַר יְהוָה, עַל-שְׁלֹשָׁה פְּשָׁעֵי בְנֵי-עַמּוֹן, וְעַל-אַרְבָּעָה לֹא אֲשִׁיבֶנּוּ: עַל-בְּקָעַם הַרוֹת הַגִּלְעָד, לְמַעַן הַרְחִיב אֶת-גְּבוּלָם.
- 1,14 וְהִצַּתִּי אֵשׁ בְּחוֹמַת רְבָה, וְאָכְלָהּ אֲרַמְנוֹתֶיהָ; בְּתִרוּעָה בְּיוֹם מִלְחָמָה, בְּסַעַר בְּיוֹם סוּפָה.
- 1,15 וְהִלַּךְ מִלְכָם, בְּגוֹלָה; הוּא וְשָׁרְיוֹ יִחָדּוּ, אָמַר יְהוָה. {פ}